

Broj: 09-49-1-3148-12/19  
Datum: 24.07.2019. godine

Na osnovu čl. 69. stav (2) tačka d) i 70. st. (1) i (4), a u vezi sa članom 68. stav (1) Zakona o javnim nabavkama („Službeni glasnik BiH“, broj: 39/14), na prijedlog Komisije za javne nabavke, imenovane Rješenjem, broj: 03-05-1-1494/19 od 13.03.2019. godine, federalna ministrica financija - finansija **d o n o s i**

**O D L U K U**  
**O PONIŠTENJU POSTUPKA JAVNE NABAVKE USLUGA -**  
**LOT 2 – ODRŽAVANJE APLIKATIVNOG SOFTVERA BPMIS**

**I**

Poništava se otvoreni postupak javne nabavke usluga – LOT 2 – održavanje aplikativnog softvera BPMIS za potrebe Federalnog ministarstva financija/finansija, evidencijski broj nabavke: 09-49-1-3148-1/19, broj obavještenja o nabavci sa portala javnih nabavki: 810-1-2-24-3-6/19 od 27.05.2019. godine, sažetak obavještenja objavljen u „Službenom glasniku BiH – Oglasnik javne nabavke“, broj: 38/19, jer, u skladu sa članom 69. stav (2) tačka d) Zakona o javnim nabavkama „*nijedna od primljenih ponuda nije prihvatljiva*“.

**II**

Ova odluka objaviti će se na web stranici Federalnog ministarstva financija/finansija u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču koji je učestvovao u predmetnom postupku javne nabavke.

**III**

Odluka stupa na snagu danom donošenja, a Odluka o izboru najpovoljnijeg ponuđača za javnu nabavku usluga – LOT 2 – ODRŽAVANJE APLIKATIVNOG SOFTVERA BPMIS za potrebe Federalnog ministarstva financija/finansija, broj: 09-49-1-3148-8/19 od 02.07.2019. godine, stavlja se van snage i prestaje da važi.

## O b r a z l o ž e n j e

Postupak nabavke pokrenut je Odlukom o pokretanju postupka, broj: 09-49-1-3148/19 od 25.04.2019. godine. Javna nabavka provedena je putem otvorenog postupka nabavke i podijeljena je na 2 (dva) lot-a. Ukupna procijenjena vrijednost nabavke iznosila je 90.000,00 KM bez PDV-a i predviđena je Planom nabavki za 2019. godinu Ministarstva – dio II Usluge, pod rednim brojem 1. – Održavanje aplikativnog softvera PIMIS i BPMIS. Procijenjena vrijednost nabavke za LOT 2 iznosila je 60.000,00 KM bez PDV-a. Obavijest o nabavci, broj: 810-1-2-24-3-6/19 poslana je na objavu 27.05.2019. godine, te je zajedno sa tenderskom dokumentacijom istog dana objavljena na portalu javnih nabavki. Sažetak obavještenja objavljen je u „Službenom glasniku BiH – Oglasnik javne nabavke“, broj: 38/19.

Tendersku dokumentaciju preuzelo je 14 privrednih subjekata. U krajnjem roku za dostavu ponuda ponudu je, za predmetni LOT dostavio ponuđač AVACOM GROUP d.o.o. Mostar.

Komisija za javne nabavke dostavila je federalnoj ministrici Zapisnik o pregledu i ocjeni ponuda, broj: 09-49-1-3148-7/19 od 01.07.2019. godine zajedno sa Preporukom o izboru najpovoljnijeg ponuđača AVACOM GROUP d.o.o. Mostar, sa registriranim sjedištem u ul. Bleiburških žrtava broj 17c, Mostar, ID broj: 4227150030004, za predmetni LOT.

Federalna ministrica financija prihvatila je Preporuku Komisije i donijela Odluku o izboru najpovoljnijeg ponuđača za javnu nabavku usluga – LOT 2 – ODRŽAVANJE APLIKATIVNOG SOFTVERA BPMIS za potrebe Federalnog ministarstva financija/finansija, broj: 09-49-1-3148-8/19 od 02.07.2019. godine, kojom je, u predmetnom postupku nabavke za LOT 2, izabran ponuđač AVACOM GROUP d.o.o. Mostar.

U skladu sa članom 45. stav (2) Zakona i tačkom 12. Tenderske dokumentacije - Uvjeti za kvalifikaciju i potrebni dokazi, broj: 09-49-1-3148-1/19 od 27.05.2019. godine, izabrani ponuđač AVACOM GROUP d.o.o. Mostar bio je dužan, da u roku od 5 (pet) dana od dana dostavljanja Odluke o izboru najpovoljnijeg ponuđača, broj i datum gornji, dostavi originale ili ovjerene kopije dokumentacije iz člana 45. stav (2) tačke a) do d) Zakona, između ostalog, i Uvjerenje nadležnog tijela da je ponuđač izmirio obveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u BiH ili propisima zemlje u kojoj je registriran.

Ponuđač AVACOM GROUP d.o.o. Mostar dostavio je blagovremeno dokumentaciju iz člana 45. stav (2) tačke a), b) i d) Zakona, izuzev dokumenta iz tačke c) Zakona - Uvjerenje nadležnog tijela da je ponuđač izmirio obveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u BiH ili propisima zemlje u kojoj je registriran.

Članom 68. (Razlozi za odbacivanje zahtjeva za učešće ili ponude) stav (1) Zakona o javnim nabavkama, propisano je sljedeće: „Ugovorni organ odbacuje zahtjev za učešće ili ponudu ako kandidat/ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uslova iz čl. 45. do 51. ovog zakona.“

S tim u vezi, a imajući u vidu da je u predmetnom postupku javne nabavke pristigla samo jedna ponuda, Komisija je dala Preporuku federalnoj ministrici financija – finansija da se, u skladu sa članom 69. stav (2) tačka d) Zakona: „*nijedna od primljenih ponuda nije prihvatljiva*“, LOT 2 – održavanje aplikativnog softvera BPMIS, otvoreni postupak javne nabavke usluga poništi i donese Odluka o poništenju postupka javne nabavke za LOT 2.

S obzirom na činjenicu da je za LOT 2 pristigla samo jedna ponuda, a koju je Komisija postupajući u skladu sa članom 68. stav (1) Zakona o javnim nabavkama odbacila, ispunjeni su uvjeti za poništenje predmetnog LOT-a, u skladu sa članom 69. stav (2) tačka d) Zakona.

Uzimajući u obzir naprijed navedeno, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.



#### **Dostaviti:**

1. AVACOM GROUP d.o.o. Mostar
2. U dokumentaciju Komisije
3. Sektoru za ekonomske, finansijske i zajedničke poslove
4. a/a